

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 01/I-1620- 8 /20
G. Dubrave, 07. 10. 2020. godine

Na osnovu člana 69. stav 1 tačka b), a u vezi sa stavom 2. tačka d) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14), u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

ODLUKU

o poništenju postupka javne nabavke za nabavku usluga servisiranja vozila za mjerenje koeficijenta trenja, kao i obuka osoba za rukovanje vozilom za mjerenje koeficijenta trenja

I

Poništava se postupak javne nabavke za nabavku usluga servisiranja vozila za mjerenje koeficijenta trenja, kao i obuka osoba za rukovanje vozilom za mjerenje koeficijenta trenja proveden putem pregovaračkog postupka bez objave obavještenja, pokrenut odlukom 01/I-1620/20 od 03.08.2020. godine.

II

Ova odluka objavit će se na web-stranici www.tuzla-airport.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

III


Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Ugovorni organ je na osnovu odluke o pokretanju postupka broj: 01/I-1620/20 od 03.08.2020. godine, proveo pregovarački postupak bez objave obavještenja za nabavku usluga servisiranja vozila za mjerenje koeficijenta trenja, kao i obuka osoba za rukovanje vozilom za mjerenje koeficijenta trenja. Evidencijski broj nabavke: 01/I-1620-2/20 od 03.08.2020.

Postupak je proveden u skladu sa članom 21. stav 1. tačka c), u kojem je navedeno da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja u slučaju kada zbog suštinskih, tehničkih dokazivih ili umjetničkih razloga, ili zbog razloga koji se odnose na zaštitu ekskluzivnog prava, ugovor može dodijeliti samo određenom dobavljaču.

Obzirom da JP "Međunardoni Aerodrom Tuzla" d.o.o posjeduje ASFT vozilo (Airport Services Friction Test), odnosno vozilo za mjerenje koeficijenta trenja na poletno sletnoj stazi. ASFT razvija i pruža IT sisteme za ispitivanje površinskih i vremenskih uslova. Proizvodi uključuju kompjuterizovanu tehnologiju za faktore praćenja kao što su trenje, tačke smrzavanja, rani sistemi upozoravanja na led, padavina, zemlja mraz, rast depozita leda i sistemi za nadzor kamere.



Funkcionalno ili kalibraciono merenje površinskog trenja vrši se za ispitivanje nivoa održavanja piste ili puta, kako bi se testirala funkcija saobraćajne infrastrukture u ovom slučaju PSS i manevarskih površina u svrhu objavljivanja istinitih podataka za stanje navedenih površina. Ovo mjerenje se vrši kako bi se osiguralo da novoizgrađena ili obnovljena pista ili put ima površinsko trenje unutar važećih zakona, sigurnosnih smjernica i specifikacija ugovora. Funkcionalno merenje trenja na površini vrši se i redovno, u zavisnosti od obima saobraćaja, na operativnoj saobraćajnoj infrastrukturi kako bi se utvrdilo kada je potrebno održavanje.

Shodno navedenom, kao i imajući u vidu činjenicu da se pomenuta tehnika nalazi unutar vozila (softverski paket), te da kao takva jedino može biti servisirana od strane ovlaštenog serviser, a da je jedini ovlašteni serviser „SARSYS-ASFT AB“ Sweden, bilo je neophodno sa ovim ponuđačem provesti pregovarački postupak bez objave obavještenja za predmetnu nabavku.

Ukupna procijenjena vrijednost javne nabavke (bez uključenog PDV-a) je 16.000,00 KM.

Predviđeno je da će se postupak javne nabavke odvijati u slijedećim fazama:

1. Faza kvalifikacije- dostava inicijalne ponude i pregovaranja
2. Faza dostave konačne ponude

Poziv za učešće u pregovaračkom postupku bez objave obavještenja za nabavku usluga servisiranja vozila za mjerenje koeficijenta trenja, kao i obuka osoba za rukovanje vozilom za mjerenje koeficijenta trenja upućen je ponuđaču “SARSYS-ASFT AB” Sweden, 03.08.2020.godine.

Rok za dostavljanje ponude bio je 31.08.2020.godine do 12:00 sati, koji je prolongiran za 25.09.2020. godine. Ponuđač je ponudu e-mailom dostavio 25.09.2020., a poštom je dostavljena 05.10.2020. u 08:50h.

Javno otvaranje početnih ponuda izvršeno je u 09:30 časova dana 05.10.2020.godine, što je konstatovano zapisnikom sa otvaranja početnih ponuda broj: 01/I-1620-6/20 od 05.10.2020.godine.

Zapisnik sa otvaranja početnih ponuda dostavljen je ponuđaču u skladu sa zakonskim i podzakonskim aktima.

Nakon izvršenog otvaranja ponude, Komisija je 05.10.2020.godine pristupila analizi dokumentacije priložene uz ponudu u smislu provjere zahtjeva ugovornog organa iskazanih u tenderskoj dokumentaciji, odnosno vrednovanju ponude, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Na osnovu zapisnika sa otvaranja početnih ponuda, Komisija konstatuje da se za nabavku usluga servisiranja vozila za mjerenje koeficijenta trenja, kao i obuka osoba za rukovanje vozilom za mjerenje koeficijenta trenja, prijavio jedan ponuđač, kako je i bilo predviđeno pregovaračkim postupkom:

1. Ponuđač ASFT Industries AB (SARSYS-ASFT AB) Sweden- čija cijena ponude iznosi 16.000,00 KM bez PDV-a

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je konstatovala da ponuda ponuđača ASFT Industries AB (SARSYS-ASFT AB) Sweden ne ispunjava formalno-pravne uslove, odnosno kvalifikovane zahtjeve ugovornog organa, te ne može biti predmet vrednovanja shodno utvrđenim kriterijima tenderske dokumentacije iz razloga kako slijedi:

- Ponuda ponuđača ASFT Industries AB (SARSYS-ASFT AB) Sweden nije uvezana, numerisana, te nije dostavljena na jednom od službenih jezika Bosne i Hercegovine. Komisija konstatuje da ponuđač nije ispunio uslove tražene tačkom 11.1. tenderske dokumentacije kojim je propisano da „Zahtjev za učešće/početna ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćiriličnom pismu” i tačkom 12. tenderske dokumentacije u kojoj je navedeno da „Svi listovi ponude moraju biti čvrsto uvezani, sa označenim stranicama.“
- Tačkom 8.1. Spособnost za obavljanje profesionalne djelatnosti ponuđač/kandidat je trebao dostaviti ovjeren Aktuelni izvod iz sudskog registra ili dokument koji je ekvivalent izvodu iz sudskog registra, koji nije stariji od 3 mjeseca od krajnjeg datuma za dostavljanje ponuda. U svrhu dokazivanja ispunjenosti ovog uslova, ponuđač je dostavio neovjerenu potvrdu o registraciji koja je starija od 3 mjeseca, odnosno datum izdavanja dostavljene potvrde je 13.06.2018.
- U cilju dokazivanja ispunjenosti uslova iz tačke 8.2. Ekonomska i finansijska sposobnost u skladu sa članom 47. Zakona ponuđač je bio dužan dostaviti običnu kopiju potvrde izdate od strane banke u kojoj ima otvoren glavni račun, a kojom dokazuje da je solventan u posljednjih šest mjeseci (za period od 10.02.2020 do 10.08.2020.). Potvrda koju je ponuđač dostavio nema jasno naznačen datum izdavanja, te se iz iste ne može utvrditi na koji period se odnosi.
- Obrazac zahtjeva za učešće/početne ponude i Obrazac za cijenu početne ponude ne sadrži pečat firme, odnosno ista nije na propisan način ovjerena.

Shodno navedenom, Komisija je jednoglasno predložila Upravi ugovornog organa da donese Odluku o poništenju postupka javne nabavke u skladu sa čl.69 stav 1 tačka b) i čl. 70 Zakona o javnim nabavkama.

Na osnovu prijedloga Komisije za provođenje postupka za nabavku usluga servisiranja vozila za mjerenje koeficijenta trenja, kao i obuku osoba za rukovanje vozilom za mjerenje koeficijenta trenja, Uprava ugovornog organa donijela je odluku kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno putem protokola ili preporučeno poštanskom pošiljkom.

Dostavljeno:
1 x Ponuđaču
1 x Evidenciji
1 x a/a



Akt pripremila: Samra Hasanović